

Ժողովուրդ

26
(3057)

28 փետրվարի ուրբաթ 2025
տպագրության ԺՂ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՓԱՇԻՆՅԱՆԸ ԱՆՁԱՄԲ ԿՄԱՄՆԱԿՑԻ ՆԱԽԸՆՏՐԱԿԱՆ ԳՈՐԾԸՆԹԱՑԻՆ



ՔՊ-ում արդեն իսկ պատրաստվում են 2026 թվականի ընտրություններին: Սպասվող ընտրություններից առաջ իշխանականները խմբերի են բաժանվել և գործի անցել: «Ժողովուրդ» օրաթերթի տեղեկություններով՝ ՔՊ վերջին փակ նիստերից մեկի ժամանակ Նիկոլ Փաշինյանը հանձնարարել է ընտրություններից առաջ «թիմերի բաժանվել ու աշխատել», ինչպես ինքն է սիրում ասել՝ հոգուտ թիմի:

ՔՊ-ականների մի մասին հանձնարարվել է այցելել մարզեր, քաղաքացիների հետ հանդիպել, սիրաշահել, մի մասին հանձնարարվել է մայրաքաղաքում տարբեր ակտիվ շրջանակների, երիտասարդների հետ հանդիպել, մեկ այլ մասի հանձնարարվել է հարցազրույցներ տալ ու հերթով տարածել ՔՊ-ական թեզերը՝ իրական Հայաստան, հասողության պայմանագիր և այլն:

Մյուս խմբին էլ հրահանգվել է օրնիբուն աշխատել՝ Գյումրու և Փարաքարի ընտրություններում հոգուտ ՔՊ-ի ձայներ հավաքելու համար: Ի դեպ, ինչպես մեզ փոխանցում են, նախընտրական ողջ գործընթացին ակտիվ մասնակցելու է անձամբ Փաշինյանը:

Այսօր ՀՀ արտաքին գործերի նախարարության մոտ բողոքի ակցիա է սպասվում ի պաշտպանություն Ռուբեն Վարդանյանի, ում Բաքվում խոշտանգել են: «Ժողովուրդ» օրաթերթի տեղեկություններով՝ իշխանությունների ներսում եւս անհանգստություն կա, նախ այն բանի համար, թե ինչքան մարդ ոտքի կկանգնի, եւ ինչպես դրան կարծազանքի թշնամի երկիրը: Նախօրեին Վարդանյանի որդին կոչով դիմեց, որ իր հորը խոշտանգել են, եւ պետք է քայլեր ձեռնարկել: Սակայն հայրենի իշխանություններից որեւէ մեկը մի հողաբաշխ նախադասություն չի ասել, թե ինչ է անում այս վայրագությունների դեմ: Երեկ ՀՀ արդարադատության նախարարն ու ՀՀ ՄԻ պաշտպանը կիսատ-պռատ հայտարարեցին, թե նամակներ են գրել պատկան մարմիններին ու վերջ: Երեկվա հավաքը իշխանություններին անհանգստացրել է, որ գուցե նոր կրքեր բորբոքվեն: Հիշեցնենք, որ երեկ, ի պաշտպանություն Բաքվում պահվող Ռուբեն Վարդանյանի, Կառավարության շենքի մոտ ակցիա տեղի ունեցավ, որի ժամանակ մասնակիցները պահանջում էին անհապաղ քայլեր ձեռնարկել՝ ազատ արձակելու Ռուբեն Վարդանյանին եւ բոլոր հայ գերիներին: Նրանք նաեւ կոչ էին անում ՀՀ ԱԳՆ-ին հանդես գալ հրատապ հայտարարությամբ եւ հրավիրել Հայաստանում հավատարմագրված դիվանագետների հավաք: Ռուբեն Վարդանյանը եւ մյուս գերիներն ու պատանդները Բաքվում պահվում են ապօրինի: Ակցիայի մասնակիցները պահանջում են, որ ՀՀ Կառավարությունը գործադրի բոլոր լծակները՝ Ռուբեն Վարդանյանին եւ մյուս հայ գերիներին հայրենիք վերադարձնելու համար:



Փետրվարի 25-ին հայտնի դարձավ, որ ՀՀ վարչապետի մամուլի քարտուղար Նազելի Բաղդասարյանի տունը թալանել են: «Ժողովուրդ» օրաթերթը գրել էր, որ գողերը նրա տուն են մտել անխոչընդոտ՝ հարմարեցված բանալիով տան դուռը բացելով: Ինքը՝ Նազելի Բաղդասարյանը, հրաժարվում է «Ժողովուրդ» օրաթերթին կատարվածի մասին որեւէ տեղեկություն կամ մեկնաբանություն տալ (երկու անգամ փորձել ենք, բայց անարդյունք): Բաղդասարյանը, որ Շիրակի մարզպետն է եղել նախկինում, իր մտերիմ շրջապատին պատմել է եղելությունը: «Ժողովուրդ» օրաթերթը Նազելի Բաղդասարյանի շրջապատից տեղեկացավ, որ նրա տանից գողացել են ոսկյա թանկարժեք զարդեր, ոսկեգույն մետաղյա զարդեր (կարծելով, թե ոսկի է), մեկ ժամացույց, թեւնոց եւ այլ իրեր: Ընդհանուր նախնական հաշվարկով, ըստ Նազելի Բաղդասարյանի մերձավորների, վարչապետի խոսնակին գողերը պատճառել են մոտ 50 հազար ԱՄՆ դոլարի վնաս: Բայց այս հաշվարկը խիստ նախնական է, այն կարող է ավելանալ կամ պակասել:



Ալեն Սիմոնյանի ոչ միայն ընտանիքի անդամները, այլ նաեւ աշխատակիցները «գրավել են» ՔՊ-ն: Ինչպես ավելի վաղ ArmLur.am-ը հայտնել էր, Ալեն Սիմոնյանի մայրը՝ Մարինա Հովհաննիսյանը, եւ եղբայրը՝ Կառլեն Սիմոնյանը, փետրվարի 24-ին մասնակցել էին Կենտրոն տարածքային կառույցի խորհրդի նիստին: ՔՊ-ից մեզ հայտնել էին, որ Ալեն Սիմոնյանի մայրը ՔՊ առաջին համագումարից դեռ կուսակցության անդամ է, իսկ եղբայրը՝ Կառլեն Սիմոնյանը, 2024 թվականից է ՔՊ կուսակցության անդամագրվել: «Ժողովուրդ» օրաթերթը նկատեց, որ ոչ միայն Ալեն Սիմոնյանի ընտանիքի անդամները, այլ նաեւ աշխատակիցներն են մասնակցում ՔՊ նիստերին: Երեկ ՔՊ նախաձեռնող նիստին մասնակցել է նաեւ Ալեն Սիմոնյանի «սրտի աշխատակիցներից»՝ Նրա խորհրդակցական Աշխեն Հայրապետյանը, ով գրեթե բոլոր գործուղումներին ուղեկցում է Սիմոնյանին:



ԶՐՈՒՅՑ

ԱՐՑԱԽՅԻՆԵՐԻՆ ՏՐՎՈՂ ՕԳՆՈՒԹՅԱՆ ԿԱՄԵՑՄԱՆ ՄԱՍԻՆ

Արցախի ՄԻՊ Գեղամ Ստեփանյանը մասնակցում է «Հայ Հեղափոխական Գազնակցության» 35-րդ գլխավոր ժողովին, որի ժամանակ ArmLur.am-ի հետ զրույցում անդրադարձել է Ալեն Սիմոնյանի՝ արցախցիների մասին հայտարարություններին:

-Պարոն Ստեփանյան, այս օրերին պարբերաբար տեղեկություններ եւ ահազանգեր են հնչում, որ արցախցիներին տրամադրվող աջակցությունն այլեւս չի գործում, որոշ ծրագրեր ավարտվել են: Սրա վերաբերյալ ի՞նչ տեղեկություններ ունեք:

-Ունեմ այն տեղեկությունը, որը պաշտոնապես կոմունիկացվել է: Այսինքն՝ սկսած ապրիլ ամսվանից կեցության ծախսերը հոգալու համար տրամադրվող աջակցությունը միայն տրամադրվելու է անչափահասներին, տարեցներից՝ 63 եւ ավելի տարիք ունեցողներին եւ 1-ին ու 2-րդ կարգի հաշմանդամություն ունեցող անձանց: Սրա վերաբերյալ մենք բազմիցս մեր դիրքորոշումը արտահայտել ենք եւ բավականին հիմնավորված. այդ հիմնավորումը հետեւյալն է, որ եթե փախստականների ինտեգրման մյուս բաղադրիչները՝ բնակարանային, զբաղվածության կամ այլ, եթե հավուր պատշաճի կարգավորված չեն, ապա ֆինանսական աջակցության դադարեցումը բերելու է սոցիալ-կենցաղային շատ ավելի ծանր պայմանների, եւ հենց դրանով է պայմանավորված, որ արցախցիները այս հարցի կապակցությամբ բողոքի ձայն են բարձրացնում: Պահանջը շատ տրամաբանական է. մինչեւ դրանով չապահովվեք՝ չդադարեցնեք ֆինանսական աջակցությունը: 20,000-ից ավելի արցախցի զբաղված է, այսինքն՝ գրանցված աշխատանք ունի, որոնցից մինչեւ 200,000 դր. աշխատավարձ ստացողների թիվը մեծամասնությունն է: Սա նշանակում է, որ անգամ աշխատավարձ ստանալով հանդերձ՝ մարդիկ չեն կարողանում բնակավայրի հարց լուծել: Դեռեւս արքայազն, անհրաժեշտ է պետության աջակցությունը:

-Իսկ, ըստ Ձեզ, այս ծրագրերի կատարումը, դադարեցումը, ինչ-որ հատուկ միտում ունի:



-Ես այդ առումով ուղիղ հարց եմ տվել պատասխանատուներին, թե ինչն է պատճառը, ֆինանսական խնդիրները, թե՛ այլ հարցեր կան: Շատ լրջված պատասխան եմ ստացել, թե դադարեցնում են, որ մարդիկ օգտվեն բնակարանային ապահովման աջակցության պետական ծագրից: Բայց չի կարելի մարդուն ստիպելով տանել այդ դաշտ, հատկապես, երբ խոսքը խոցելի խմբի մասին է. հակառակը, պետք է խթանի գործողություններ կիրառել, որպեսզի ժողովուրդը կարողանա օգտվել այդ ծրագրից: Ասվում է՝ այդպես են անում, որ մարդիկ սկսեն աշխատել, բայց ես Նորից եմ կրկնում այնպես չէ, թե մարդիկ չեն աշխատում: Ոչ, նրանք աշխատում են, բայց ստացած գումարը բավարար չէ եւ կենսապահովման միջոցներ ձեռք բերելու՝ սնունդ է այլ, եւ բնակարանային հարցին լուծում տալու համար: Կա որոշակի ինֆորմացիա, որ անգամ «40+10» աջակցությունը դադարեցնելուց հետո քննարկվում է, որ սոցիալապես անապահով, տեղահանված ընտանիքներին բնակավայրի փոխհատուցման ինչ-որ ծրագրեր կարող են գործարկվել: Իհարկե, սա շատ նախ-

նական փուլում է, չեմ կարող ասել, թե դա ինչ է ենթադրում, բայց լսել եմ նմանատիպ խոսակցություններ:

-Պարոն Ստեփանյան, ԱԺ նախագահ Ալեն Սիմոնյանն ասում է՝ իրենց բնակարանները լքելու փոխարեն՝ արցախցիները պետք է մնային եւ մինչեւ վերջ կռվելի: Ապա խմբագրեց, որ ընդհանրական է սա ասել, ու, կարծեք, Նիկոլ Փաշինյանն էլ կիսում էր ԱԺ նախագահի տեսակետը:

-Ես նշել եմ, որ կարելի է բերել բազմաթիվ դրվագներ, բայց դրանք իրապես անիմաստ են, որովհետեւ այդ հայտարարությունները ցինիզմի եւ անբարոյակալության գազաթանկետն են: Ինչ վերաբերում է խմբագրումներին, ապա անկեղծորեն ասեմ, որ դրանք լեզվական անպարարություններ են, եւ սա առաջին դեպքը չէ, երբ ասում են մի բան, հետո սկսում արդարանալ, խմբագրել, եւ ասվածի ուղղությունը փոխել: Խոսքը խոր արմատներ ունեցող ատելության մասին է, որը նաեւ արտահայտվում էր Ալեն Սիմոնյանի միմիկաներում, երբ ինքը պատասխանում էր արցախցի լրագրողի հարցին:

Հրույցը ԶՐՈՒՅՑԻՆ ԱՍՈՒԵՂՅԱՆԸ



ԳԱԶՐ ԹԱՆԿԱՑԵԼ Է



ArmLur.am-ի տեղեկություններով՝ ՀՀ-ում հեղուկ գազը կրկին կտրուկ թանկացել է: ArmLur.am-ի խմբագրությունն ահազանգած վարորդները հայտնեցին, որ վերջին օրերին հեղուկ գազը 140 դրամ է, իսկ երեկվանից տարբեր գազակայաններում այն արժի 200-210 դրամ: Թե ինչու են հեղուկ գազի շուկայում նման կտրուկ թանկացումներ, ինչու հայրենի կառավարությունը չի վերահսկում շուկան, արդեն տեսական ժամանակ է ոչ ոք չի կարողանում բացատրել: Իսկ հայրենի իշխանությունները այս հարցի առնչությամբ իրենց ձեռքերը լվացել են:

ArmLur.am-ը կապ հաստատեց Տնտեսական մրցակցության պաշտպանության հանձնաժողովի (ՏՄՊ) մամուլի խոսնակ Անի Սմբատյանի հետ՝ պարզելու համար, թե իրենք արդյոք վերահսկում են շուկան, ու հասկանալի՞ է, թե ի վերջո ինչու են նման թանկացումներ տիրում հեղուկ գազի շուկայում: «ՏՄՊ-ն ուսումնասիրում է շուկաները, որտեղ կան գերիշխող դիրք ունեցող ընկերություններ, իսկ հեղուկ գազի պարագայում դա առկա չէ. շուկան մրցակցային է, եւ այնտեղ ընկերությունների ամենաբարձր մասնաբաժինը 5 տոկոսի չի հասնում»,- մեզ հետ զրույցում հայտարարեց ՏՄՊ մամուլի խոսնակը: Ինչպես միշտ հարցերը մնում են անպատասխան, իսկ ՀՀ քաղաքացին իր խնդիրների հետ՝ միայնակ:

ԳՐԱՄԵՆՅԱԿԸ ՓԱՆՎԵԼ Է

ArmLur.am-ի տեղեկություններով Հայաստանում փակվել է NDI (National democratic institute)-ի գրասենյակը: Ամերիկյան կազմակերպությունը Հայաստանում ակտիվ գործունեություն էր վարում դեռեւս 1994 թվականից՝ կենտրոնանալով քաղաքական կուսակցությունների աջակցելու վրա՝ զարգացնելու երիտասարդական թեւերը, բարելավելու քարոզարշավի եւ իրազեկման հմտությունները, ստեղծելու միջկուսակցական դաշինքներ եւ սկսելու տեղական նախաձեռնողական ծրագրեր: 2018 թվականից NDI-ն սերտորեն համագործակցում էր կուսակցությունների, խորհրդարանական խմբակցությունների եւ քաղաքացիական հասարակության գործընկերների հետ՝ ամրապնդելու եւ պահպանելու ժողովրդավարական բարեփոխումների թափը: Այն սերտորեն համագործակցում էր USAID-ի հետ:

Հիշեցնենք, որ ԱՄՆ-ում Դոնալդ Թրամփի վարչակարգի իշխանության գալուց հետո ԱՄՆ արտաքին քաղաքականությունը փոխվել է, դադարեցվել են մի շարք ֆինանսավորումներ, այդ թվում՝ USAID-ի եւ մի շարք այլ կազմակերպությունների միջոցով իրականացվող ծրագրերի ֆինանսավորումները:

ՈՐՈՇՄԱՆ ԱՐԴՅՈՒՆՔՆԵՐԸ

ՈՐՔԱՆՈՎ ՀԵՏԵՎԵՑԻՆ ԿԱՌԱՎԱՐՈՒԹՅԱՆ ՊԱՀԱՆՋԻՆ

Կառավարության առաջարկությամբ ընդունված որոշումով Հայաստանի Հանրապետությունում նոյեմբերի 15-ից մինչեւ մարտի 31-ը ոչ ձմեռային անվադողերով երթևեկելը արգելվում է:

Սա արվում է, քանի որ ըստ տարածքային կառավարման եւ ենթակառուցվածքների նախարար Դավիթ Խուրդայանի պարզաբանման՝ «երկրում ձյան կամ հորդառատ տեղումներով պայմանավորված՝ գրանցվում են ճՏՊ-ներ, որոնք մեծա մասամբ հետեւանք են վարորդների կողմից եղանակային պայմաններին չհամապատասխանող անվադողերով երթևեկելու»:

Հիշեցնենք, որ այս կարգավորումը ուժի մեջ է մտել 2024 թվականի դեկտեմբերի 10-ից: Թե որքանով են վարորդները հետեւում այս որոշմանը, եւ թե որքանով են ճանապարհատրանսպորտային ոստիկանության եւ պարեկային ծառայության համապատասխան մարմինները վերահսկում իրավիճակը, ավելի արդիական դարձավ վերջին շրջանի ծյունառատ եղանակով պայմանավորված: ArmLur.am-ը փորձեց պարզել, թե վերջին շրջանում քանի վարորդների կողմից է խախտվել ոչ ձմեռա-



յին անվադողերով երթևեկելու պահանջը: Ներքին գործերի նախարարի մամուլի խոսնակ Նարեկ Գրիգորյանը ArmLur.am-ի հարցին ի պատասխան նշել է, որ «2025 թվականի փետրվարի 1-ից մինչեւ փետրվարի 17-ը տրանսպորտային միջոցները չտե-

ղադրված ձմեռային դողերով վարելու կանոնները խախտելու համար կազմվել են թվով 43 վարչական իրավախախտման վերաբերյալ արձանագրություններ եւ կայացվել են համապատասխան որոշումներ»:

ԱՐՄԵՆ ԽԵՉՈՒՄՅԱՆ

ՉԵՆ ՄԱՍՆԱԿՑՈՒՄ

ՄԱՀՄԱՆԱԴՐՈՒԹՅԱՆ ՏԵՔՍՏԸ ԿԵՂԾ ՕՐԱԿԱՐԳ Է

ՊԱՅՄԱՆԱԳՐԵՐԸ ԳԱԴԱՐԵՑՆՈՒՄ Է

ԱՄՆ նախագահ Դոնալդ Թրամփի վարչակազմը հայտարարել է, որ դադարեցնում է ԱՄՆ Միջազգային գարգացման գործակալության (ԱՄՆ ՄԶԳ, USAID) արտաքին օգնության պայմանագրերի մոտ 90%-ը, ինչպես նաև, ընդհանուր առմամբ, 60 միլիարդ դոլարի ամերիկյան օգնությունն ամբողջ աշխարհում:

Ըստ հրապարակման՝ ԱՄՆ վարչակազմի կողմից հայտարարված կրճատումների պատճառով ԱՄՆ ՄԶԳ-ի շատ քիչ ծրագրեր կշարունակեն գոյությունը: Փաստաթղթերում նշվում է, որ նախատեսվում են ավելի շատ փոփոխություններ այն հարցի շուրջ, թե ինչպես են ԱՄՆ ՄԶԳ-ն և Պետքարտուղարությունը բաշխում արտաքին օգնությունը: Դրա նպատակն է «հարկատուների գումարներն օգտագործել ավելի խելամիտ կերպով՝ առաջ տանելու ամերիկյան շահերը»: Հունվարի 20-ին ԱՄՆ նախագահ Դոնալդ Թրամփի պաշտոնակալությունից հետո արտաքին օգնության կասեցման պատճառով դադարեցվել են արտերկրում ԱՄՆ-ի կողմից ֆինանսավորվող հազարավոր ծրագրեր, ԱՄՆ ՄԶԳ-ի աշխատակիցների մեծ մասը հեռացվել է աշխատանքից: USAID-ի միջոցով բաշխվող օտարերկրյա օգնության տրամադրումը դադարեցնելու պատճառով մի խումբ ոչ առետորային կազմակերպություններ դատական հայցեր են ներկայացրել Թրամփի վարչակազմի դեմ:

ՃՆՇՄԱՆ ՆԵՐՔՈ

ՌԴ արտգործնախարար Սերգեյ Լավրովը նախօրեին աշխատանքային այցով Թեհրանում էր, որտեղ մի շարք հանդիպումներից հետո նաև համատեղ ասուլիս ունեցավ իր իրանցի գործընկեր Աբբաս Արադչիի հետ: Ըստ Լավրովի և Արադչիի՝ կողմերն անդրադարձել են տարբեր տարածաշրջանների զարգացումներին՝ քննարկելով էներգետիկ, երկաթուղային, գյուղատնտեսական, առետորային, զբոսաշրջային ոլորտներում համագործակցությունն, ինչպես նաև առկա խնդիրները: Իրանցի և ռուսաստանցի պաշտոնյաները բանակցությունները շատ դրական են արդյունավետ որակեցին՝ արձանագրելով մի շարք ռեզոլուցիաներում բավականին մոտ դիրքորոշումներ: Խոսքը, մասնավորապես, վերաբերում է Մերձավոր Արևելքում տեղի ունեցող իրադարձություններին՝ Սիրիա, պաղեստինախրայելական հակամարտություն, Լիբանան, Աֆղանստան, ինչպես նաև պատերազմ Ուկրաինայում, Իրանի միջուկային ծրագիր, Հյուսիս-Հարավ Ռեշտ-Աստարա երկաթուղի և զարգացումներ Կովկասում: Լավրովի խոսքով Մոսկվայի ու Թեհրանի միջև քաղաքական երկխոսությունը գտնվում է «հիանալի մակարդակում», ակտիվորեն զարգանում են տնտեսական կապերը, առետորաշրջանառությունն աճել է 13 տոկոսով: Ռուսաստանի Դաշնության ԱԳ նախարարը հույս հայտնեց, որ այդ միտումը կշարունակվի նաև ապագայում: Նախարարներն անդրադարձան պատժամիջոցների խնդրին՝ պատրաստակամություն հայտնելով շարունակել առարկայական աշխատանքը երկու երկրների տնտեսությունների վրա սահմանափակումների ազդեցությունը նվազագույնի հասցնելու համար:

Վերջին օրանում հայկական ֆառական դաշնում ամենից ցածր ֆինանսավորվող թեմաներից մեկը Նիկոլ Փաշինյանի «Իրական Հայասանի» գաղափարախոսության վերաբերյալ ուղերձն էր: Քաղաքական դաշնում լրացուցիչ ակտիվություն մտցրեց հասկաղես վարչապետի ղեկավարած Մահմանադրության ընդունման անհրաժեշտության վերաբերյալ:

Վարչապետի ուղերձի, գաղափարախոսության և հնարավոր նոր Սահմանադրության վերաբերյալ «Ժողովուրդ»-ը գրուցել է «Լուսավոր Հայաստան» կուսակցության անդամ, նախկին պատգամավոր Անի Սամոնյանի հետ:

Ըստ նրա՝ վարչապետ Նիկոլ Փաշինյանի գաղափարախոսական ուղերձում չկար գաղափարախոսություն. դա, գործի համոզմամբ, Փաշինյանի կառավարման տարիների ընթացքում արված ձախողումների և պարտությունների արդարացման շարադրանքն էր:

Ըստ մեր գրուցակցի դիտարկման՝ «չկարող եմ գաղափարախոսություն, որը կարող է հիմք դառնալ Սահմանադրության նոր տեքստ ընդունելու համար»: Սամոնյանը կիսում է այս ընթացքում շատ հանրային և քաղաքական գործիչների կողմից հնչեցված մտավախությունը, որ նոր Սահմանադրության ընդունման անհրաժեշտությունը գալիս է ադրբեջանական պահանջներից: Սամոնյանը հիշեցնում է, որ նախկինում կար սահմանադրական փոփոխությունների օրակարգ. դեռ 2018 թ. հեղափոխությունից հետո, որը հիմնականում բարձրաձայնվում էր այդ շրջանում ընդդիմադիրների կողմից: Այդ օրակարգը բարձրացնում էին, քանի որ 2015 թ. ընդունված Սահմանադրական փոփոխությունները, ըստ Սամոնյանի, կատարվել էին Սերժ Սարգսյանի «սուպերվարչապետական համակարգի» համար, սակայն իշխանությունները չունեին բավարար կամք՝ հրաժարվելու «Սերժ Սարգսյանի համար կարված կոստյումից»: Սամոնյանը հիշեցնում է, որ նախկինում էլ ստեղծ-



վել են մի քանի հանձնաժողովներ, բայց առանց որոշակի տեսանելի արդյունքի: Սակայն, երբ Ադրբեջանը բաց տեքստով սկսեց պահանջել, որ Հայաստանը պետք է փոխի Սահմանադրությունը, իշխանությունները նորից սկսեցին խոսել Սահմանադրության մասին, բայց արդեն ոչ թե փոփոխություններ կատարելու, այլ Սահմանադրության նոր տեքստ ընդունելու: Այս գործընթացը տարվում է, քանի որ Ադրբեջանի պահանջը վերաբերում է ոչ թե սահմանադրական փոփոխություններին, այլ լրիվ նոր Սահմանադրության տեքստ ընդունելուն՝ առանց Սահմանադրության նախաբանի, որում հղում կա Անկախության հռչակագրին: Հետևաբար, Անի Սամոնյանը, եզրակացնում է. «Հայ

ժողովուրդը չպետք է կատարի այդ պահանջը և չպետք է մասնակցի այդ գործընթացին»: Սամոնյանը քաղաքացիներին և քաղաքական ուժերին կոչ է անում վարվել այնպես, ինչպես ընդդիմադիր Նիկոլ Փաշինյանը վարվում էր 2015 թ. Սահմանադրական փոփոխությունների նպատակով արվող քարոզարշավի ժամանակ՝ անվանելով դա «կեղծ օրակարգ» և չմասնակցելով դրան: «Հիմա մենք բոլորս պետք է լսենք Նիկոլ Փաշինյանին, և ասենք, որ նոր ընդունվող Սահմանադրության տեքստը կեղծ օրակարգ է, և մենք այդ գործընթացին չենք մասնակցում» - նշեց Անի Սամոնյանը: ԱՐՄԵՆ ԽԵՉՈՒՄՅԱՆ

ՕՐՎԱԿ ԽՃԱՆԿԱՐ

ՆՈՐ ՀՅՈՒՊԱՑՈՍ



Իգոր Տիտովը դարձել է Ռուսաստանի նոր գլխավոր հյուպատոսը Գյումրիում: «Ռուսաստանի արտաքին գործերի նախարարի հրամանով Իգոր Բորիսի Տիտովը Հայաստանի Հանրապետության Գյումրի քաղաքում նշանակվել է ՌԴ գլխավոր հյուպատոսության բացման առաջնային խումբը», - այս մասին ասված է ՌԴ ԱԳՆ հարդրագրության մեջ: 2024թ. Նոյեմբերին Հայաստանում Ռուսաստանի դեսպանությունը հայտնել էր, որ մահացել է Գյումրիում Ռուսաստանի գլխավոր հյուպատոս Ռուսլան Կանդաուրովը:

ԵՄ-Ն ԿՊԱՏԱՍԽԱՆԻ

Եվրամիությունն առաջիկայում վճարականորեն կպատասխանի ԱՄՆ նախագահ Դոնալդ Թրամփի խոստացած եվրոպական ապրանքների 25 տոկոս մաքսատուրքերին: Այս մասին նշվել է Եվրահանձնաժողովի (ԵՀ) տարածած հայտարարությունում: «ԵՀ-ն անմիջապես և վճարականորեն կպատասխանի [ԱՄՆ] մաքսատուրքերին», - նշվել է փաստաթղթում: ԵՀ-ն նաև մեկնաբանել է Թրամփի խոսքերն այն մասին, որ ԵՄ-ն «ստեղծվել է Միացյալ Նահանգներին շահագործելու համար, և դա հաջողությամբ է արել»: Բոյոսելը հանդես է եկել հայտարարությամբ, որ Եվրամիությունն «աշխարհի ամենամեծ շուկան է», ինչը «մեծ հաջողություն է ԱՄՆ-ի համար»:

ԱՄՓՈՓՎԵԼ Է

Պետական եկամուտների կոմիտեի փոխանցմամբ՝ ամփոփվել է 2024 թվականի համար միկրոձեռնարկատիրության սուբյեկտ համարվելու վերաբերյալ հայտարարությունը ներկայացրած հարկ վճարողների մասին տեղեկատվությունը: 2024 թվականի համար միկրոձեռնարկա-

տիրության սուբյեկտ համարվելու մասին հայտարարություն է ներկայացրել 57.773 հարկ վճարող:

ՌՈՒԲԵՆ ՄԵԼԻՔՅԱՆԻ ԱՆԴՐԱԳԱՐԶԸ

ArmLur.am-ը իրավապաշտպան Ռուբեն Մելիքյանի հետ զրուցել է հասարակական-քաղաքական գործիչ Էդգար Ղազարյանի դեմ հարուցված քրեական գործից, թե ինչ է լինելու, եթե նախաքննական մարմինը չտրամադրի այն դատավորների, դատախազների, քննիչների, հարկադիր կատարողների տվյալները, ինչպես պետք է այս անորոշ իրավիճակում կատարեն դատարանի պահանջը: ArmLur.am-ի հետ զրույցի ընթացքում Ռուբեն Մելիքյանը անդրադարձավ Արմեն Գրիգորյանի մահվան դեպքով հարուցված քրեական վարույթին, ինչպես նաև հայտնեց, որ ԱԺ նախկին պատգամավոր Հակոբ Ասլանյանի և Սամվել Վարդանյանի հետ միջադեպի գործով, Սամվել Վարդանյանի խոշտանգման, տաքսայի իջեցնելու, վրան թեքելու դեպքով կոմիտեն ստացել է եզրակացությունը:

ԻՐԱՎԱԿԱՆ

ՀԱՎԱՔ՝ ԱԳՆ-Ի ԴԻՄԱՑ

Ի ՊԱՇՏՊԱՆՈՒԹՅՈՒՆ ՌՈՒԲԵՆ ՎԱՐԴԱՆՅԱՆԻ

ArmLur.am-ը երեկ գրուցել է Հայաստանի Հանրապետության արդարադատության նախարար Սերոբի Գալստյանի հետ: Հեռախոսակցից, արդյոք ի՞նչ է Արցախի դեմոկրատիկ Վարդանյանի լուսանկարները: Ի՞նչ ֆայլեր է ձեռնարկել Մարդու իրավունքների դաշտում Վարդանյանի խոսքերը: Ի՞նչ ֆայլեր է ձեռնարկել Մարդու իրավունքների ի հայտ գալուց հետո: Նկատելով, որ Ռուբեն Վարդանյանը Բաքվում ընթացող դատավարություններին զուգահեռ խոսակցել է բռնության է ենթարկվել: Մեր հարցին ի պատասխան՝ նախարարը պատասխանեց. «Հարցի հետ կապված մեկնաբանություններ սալ չեմ կարող: Չեմ կարծիքով Չեմ սիրեմ ավելի է ցավում, քան Կառավարության կազմում զսնվող անձա՞նց»:



թյան մարդու իրավունքների պաշտպանի գրասենյակից՝ անդրադառնալով Ադրբեյջանում ազատությունից ապօրինի զրկված հայերի նկատմամբ իրականացվող գործընթացներին, մասնավորապես՝ Ռուբեն Վարդանյանի առողջական վիճակի վատթարացմանն ու խոշտանգմանը: «Սոցիալական մեդիայի մշտադիտարկումների արդյունքում մտահոգիչ տեղեկություններ են ստացվել Ռուբեն Վարդանյանի առողջական վիճակի վատթարացման և խոշտանգման մասին: Մարդու իրավունքների պաշտպանը բազմիցս է խոսել Ադրբեյջանում ազատությունից ապօրինի զրկված հայերի նկատմամբ իրականացվող գործընթացների ոչ թե պարզապես խնդրահարույց լինելու, այլ մարդու իրավունքների համընդհանուր սկզբունքների ու արժեքների, միջազգային իրավական չափանիշների կոպտագույն խախտումներով իրականացվելու մասին: Իրավիճակի հետ կապված՝ Անա-

հիտ Մանասյանի հանձնարարությամբ աշխատակազմում իրականացվել են եւ շարունակվում են իրականացվել համապատասխան քայլեր ՄԻՊ լիազորությունների շրջանակներում», - հայտնեցին ՄԻՊ-ի գրասենյակից: Ավելացնենք, որ համացանցում արձակ է սկսվել Ռուբեն Վարդանյանի տարածված լուսանկարների և որդու կոչից հետո: Երեկ՝ ժամը 12:00-ին, բոլոր սրտացավ քաղաքացիները հավաքվել էին Հայաստանի Հանրապետության արտաքին գործերի նախարարության դիմաց՝ Հայաստանի արտաքին քաղաքականության պատասխանատու կառույցից պահանջելու հանդես գալ իրատապ հայտարարությամբ եւ Հայաստան իրավիճակը հավատարմագրված դիվանագետների հավաք: Հայաստանի Կառավարության եւ միջազգային հանրության լռությունն ուղղակի աջակցություն է Ադրբեյջանի վայրագություններին: **ՔՆՍԻ ՄԱՆՈՒԿՅԱՆ**

ՔՐԵԱԿԱՆ ՔՐՈՆԻԿՈՆ

ՀԱՅԵԼԻՆԵՐ Է ԳՈՂԱՅԵԼ

Փետրվարի 25-ին ոստիկանության օպերատիվ կառավարման կենտրոն է գանգահարել 38-ամյա մի քաղաքացի եւ հայտնել, որ ժամը 13:30-ից 14:20-ն ընկած ժամանակահատվածում գողացել են Մոլդովական փողոցի շենքերից մեկի բակում կայանված իր «Հյունդայի էլանտրա» մակնիշի մեքենայի կողային հայելին: Այս մասին հայտնում են ՆԳՆ ոստիկանությունից՝ նշելով, որ համայնքային ոստիկանության Նոր Նորքի բաժնում կազմված փաստաթղթերն ուղարկվել էին քննչական բաժին: «Համայնքային ոստիկանության Մալաթիայի բաժնի ծառայողները, իրացնելով ստացված օպերատիվ տվյալները, փետրվարի 25-ին՝ ժամը 16:15-ին, Ավան-Առինջ թաղամասի շենքերից մեկում հայտնաբերել, գողության կասկածանքով ձերբակալել եւ Մալաթիայի բաժին են տեղափոխել Նույն շենքի բնակիչ 33-ամյա մի տղամարդու: Անձնական խուզարկությամբ նրա մոտ հայտնաբերվել է տարբեր մակնիշի մեքենաների հինգ կողային հայելի: Պարզվել է, որ հայելիներից մեկը «Հյունդայի էլանտրա» մակնիշի մեքենային է: Կազմված փաստաթղթերն ուղարկվել են Նոր Նորքի քննչական բաժին», - ասվում է հաղորդագրության մեջ:

ԱՊՕՐԻՆԻ ԶԵՆՔ-ԶԻՆԱՄԹԵՐՔ

Փետրվարի 26-ին քրեական ոստիկանության Շիրակի մարզային վարչությունում տեղեկություններ էին ստացվել, որ Գյումրի քաղաքի 33-ամյա բնակիչը իր մոտ եւ տանը ապօրինի կերպով պահում է զենք-զինամթերք: Նա իրավիճակ է մարզային վարչություն, որտեղ հայտնել է, որ տանը պահում է գազային ատրճանակ, որը պատրաստ է ներկայացնել: Նախաձեռնվել է քրեական վարույթ: Երիտասարդը ննջասենյակից ներկայացրել է ապօրինի պահվող «Մակարովի» նմանվող գազային ատրճանակ: Գյումրեցի 33-ամյա երիտասարդը եւ կազմված փաստաթղթերը ներկայացվել են Շիրակի մարզային քննչական վարչություն:

ԼՈՒՐ ԶԳՍ

Արդեն 6 օր է (27.02.25 տվյալներով), ինչ Վարդան Ղուկասյանի գտնվելու վայրը մնում է անհայտ: Այս մասին հայտարարություն է տարածել ԴՕԿ կուսակցությունը: «Մեզ փոխանցված տեղեկությունները, ըստ որոնց նա գտնվում է հիվանդանոցում, չեն հաստատվում, ինչը խորացնում է մտահոգությունը: Կոչ ենք անում բոլոր այն հայրենակիցներին, ովքեր անհանգստանում են եւ գտնվում են արտերկրում, հավաքվել իրենց երկրներում ԱՄՆ դեսպանատան մոտ եւ պահանջել հստակ պատասխան: Գրեմք է Վարդան Ղուկասյանը: Շուտով հանդես կգանք հստակ հայտարարությամբ՝ ներկայացնելով իրավիճակի ամբողջական մանրամասները», - նշված է հայտարարության մեջ: Հիշեցնենք, որ օրեր առաջ հայտարարվել էր, որ Վարդան Ղուկասյանի առողջական վիճակը կտրուկ վատացել է եւ նրան շտապօգնության մեքենայով տեղափոխել են հիվանդանոց:

ԻՐԱՎԻՃԱԿ

ԾԱՅԲԱՆԵՎ ԾԱՆԻ ՊԱՅՄԱՆՆԵՐ

Օրեր առաջ արտառոց դեպք է տեղի ունեցել Լոռու մարզում. ՀՀ Ներքին գործերի նախարարության ոստիկանության համայնքային ոստիկանության գլխավոր վարչության Ստեփանավանի բաժնում տեղեկություն է ստացվել, որ Լոռու մարզի բնակիչ 2,5-ամյա Վ. Կ. -ն գտնվում է ծայրահեղ անխնամ վիճակում, տնային պայմանները խիստ անբավարար են, ինչը կարող է վտանգ սպառնալ երեխայի կյանքի եւ առողջության համար: Արդեն փետրվարի 21-ին համայնքային ոստիկան Եղիսյանը, սոցաշխատակից Ավարդ Դավոյանի, տեղամասի մանկաբույժ Հասմիկ Մուրադյանի հետ կատարված համատեղ տնային ժամանակ պարզել են, որ անչափահաս երեխան գտնվում է անխնամ վիճակում, տանը բացակայում են կոմունալ բոլոր նվազագույն պայմանները, տունը ընդհանրապես ջեռուցված չի եղել: Մանկաբույժը երեխաների ծնողներին, Լոռու մարզի բնակիչներ 33-ամյա Անի Կ. -ին եւ ամուսնուն՝ 59-ամյա Վաչագան Զ. -ին տեղեկացրել է, որ երեխային անհրաժեշտ է բուժօգնություն եւ բուժում, սակայն նրանք հրաժարվել են երեխային բուժօգնման նպատակով հիվանդանոց տանելուց, որից հետո մանկաբույժի ուղեկցությամբ երեխան առանց ծնողների

շտապօգնության ավտոմեքենայով տեղափոխվել է «Ստեփանավան» բժշկական կենտրոն, որտեղ անչափահաս երեխայի մոտ ախտորոշվել է «երկկողմանի մանր օջախային թոքաբորբ, զույգ դաստակների եւ զույգ ոտնաթաթերի առաջին աստիճանի ցրտահարություն»: Դեպքի փաստով ոստիկանության Ստեփանավանի բաժնում փաստաթղթեր են կազմվել, որոնք փոխանցվել են ՀՀ Քննչական կոմիտեի Լոռու մարզային քննչական վարչության Ստեփանավանի քննչական բաժին: Քրեական վարույթ է նախաձեռնվել ՀՀ քրեական օրենսգրքի 247-րդ հոդվածի առաջին մասի (Երեխայի դաստիարակության կամ խնամքի պարտականությունը չկատարելը կամ ոչ պատշաճ կատարելը, որը հանգեցրել է երեխայի առողջության վատթարացման) հատկանիշներով, որով կա մեկ տուժող, այս պահին կատարվում է նախաքննություն:

ՀԻՎԱՆԳԱՆՈՑՈՒՄ ՄԱՐԱՅԵԼ Է

«Առողջություն եւ իրավունք» ՀԿ համահիմնադիր, իրավապաշտպան Անուշ Դոդոյանը սոցցանցի իր էջում գրել է. «Հերթական մահվան դեպքը պլաստիկ վիրահատության հետեւանքով: Ըստ հավաստի աղբյուրների՝ սույն տարվա փետրվարին

«Ուիզմոր» բժշկական կենտրոնում արձանագրվել է պլաստիկ վիրահատության հետեւանքով ողբերգական մահվան դեպք: Մ.Մ.-ն ընդունվել է «Ուիզմոր» փետրվարի 18-ին՝ անկախիքներով, որ պլաստիկ վիրահատություններից հետո դուրս է գրվելու ավելի զեղեցիկ եւ կատարյալ ֆիզիկական վիճակում: Հավելենք, որ տիկինը քրոնիկական հիվանդություններով չի տառապել, առողջության հետ կապված խնդիրներ, բողոքներ չի ունեցել: Մ.Մ.-ին «Ուիզմորում» կատարել են սիմուլտան (համակցված) վիրահատություններ՝ որովայնի պլաստիկ եւ զուգահեռ եւս մեկ այլ տեղակայման պլաստիկ վիրահատական միջամտություն: Հիվանդի վիճակը հետվիրահատական 2-րդ օրը կտրուկ վատացել է, նրան տեղափոխել են վերակենդանացման բաժանմունք, որտեղ հիվանդի վիճակը էլ ավելի է վատացել, գնահատվել է ծայրահեղ ծանր, հաջորդիվ՝ փետրվարի 21-ին, նրան տեղափոխել են «Էրեբունի» բժշկական կենտրոնի վերակենդանացման բաժանմունք, որտեղ նույն օրը երեկոյան՝ ժամը 23:30-ի սահմաններում, Մ.Մ.-ի մոտ արձանագրվել է կենսաբանական մահ: Այսպիսով, հերթական անգամ հայաստանյան առողջապահությունում կինը զեղեցիկ եւ ֆիզիկապես կատարյալ լինելու նպատակով դիմում է բժշկական կենտրոն եւ այլեւս տուն չի վերադառնում: Արձանագրվում է մահ», - ամփոփել է իրավապաշտպանը:

● Ըստ ոստիկանության տվյալների՝ փետրվարի 26-ից 27-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 131 դեպք, որից 7-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

55 ՈՒՍՈՒՑՉԻ ԱՇԽԱՏԱՆՔԻ ԱՁԱՏԵԼ ԵՆ

Տավուշի մարզպետարանի տվյալներով՝ 2023-2024 ուսումնական տարվա շեմին եւ ուսումնական տարվա ընթացքում, բուհի դիպլոմ չունենալու պատճառով, աշխատանքից ազատվել է Տավուշի մարզի հանրակրթական դպրոցներում աշխատող 55 ուսուցիչ: Նրանք թեւէ չունեն բուհի դիպլոմ, ունեն միջնակարգ մասնագիտական կրթական հաստատության դիպլոմ, սակայն նրանցից շատերը երկար տարիների մասնակարծական աշխատանքի հաջողված փորձ ունեն: Բուհի դիպլոմ չունեցող 55 ուսուցիչների աշխատանքից ազատել են, ու հիմա ուսուցիչներ են որոնում, մարզի դպրոցներում բազում թափուր հաստիքներ կան: Վերջերս ուսուցիչների թափուր հաստիքները զբաղեցնելու մրցույթներ էին հայտարարվել Դիլիջանի համայնքի Յուքի եւ Բերդ համայնքի Վերին Ծաղկավանի միջնակարգ դպրոցներում: Սակայն դրանք փաստացի չկայացան, որովհետեւ դրանց մասնակցողներ չէին, միայն Վերին Ծաղկավանի ԵՁԴ-ի ուսուցչի թափուր հաստիքը զբաղեցրել: Մարզի հանրակրթական դպրոցներում տարեց, կենսաթոշակառու շատ ուսուցիչներ շարունակում են աշխատել: Տավուշի մարզպետարանից տեղեկացել ենք, որ Տավուշի մարզի 76 հանրակրթական ուսումնական հաստատություններում այժմ աշխատում է 227 թոշակառու ուսուցիչ է 11 թոշակառու փոխտնօրեն: Տավուշի մարզպետարանից նաեւ հայտնել են, որ Տավուշի մարզի հանրակրթական դպրոցներում աշխատում է ընդհանուր թվով 1634 ուսուցիչ է 161 ուսուցչի օգնական: Մարզպետարանից մեր թղթակցին հայտնել են, որ հանրակրթական դպրոցների ուսուցչի մեկ դրույքաչափը միջինում կազմում է 130 հազար դրամ, կամավոր ատեստավորված ուսուցչի աշխատավարձը՝ 200 հազար դրամ, որին ավելանում է համապատասխան հավելավճար: Տավուշի մարզից որոշ ուսուցիչներ համաձայն չեն դրույքաչափի միջին չափի մասին մարզպետարանի տրամադրած տվյալին. նրանք ասում են, որ Հայաստանի հանրակրթական դպրոցների 89%-ում ուսուցիչների դրույքաչափը 119 հազար 808 դրամ է: Նույնը պարզապես հարկային գյուղի միջնակարգ դպրոցի հայոց լեզվի եւ գրականության ուսուցչուհի Արեւիկ Բադրյանը ասում է. «Կամավոր ատեստավորման արդյունքում դրույքաչափի փոփոխություն եւ հավելավճարի իրավունք են արձանագրել, սակայն աշխատանքում եմ ստանալ նախկին աշխատավարձ: 2024 թվականի նոյեմբերի 17-ին եմ հանձնել: Նախարարի հրամանի համաձայն՝ նոր դրույքաչափով վարձատրումը 2025 թվականի հունվարից է նախատեսվում: 2025 թվականի հունվարի աշխատավարձը ստացել եմ նախկին դրույքաչափով՝ առանց հավելավճարի»: ԿԱՍՏ ԱՍՏԻՍՈՒՄ

Տավուշի

ՓԱՍՏԵՐ

ԱՌՈՂՋԱՊԱՏՐՈՒԹՅԱՆ ՆԱԽԱՐԱՐԻ ԿԵՂԾ ԸՐԱՄԱՆԸ

Հանրադեմությունում փետրվարի 20-ից սեղացած առաջ ձյունը անհարմարություններ ստեղծեց ոչ միայն մարզկանց սեղացած, դողոցներ, բուհեր հաճախելու առումով, այլ նաեւ շատ մարզիկ առաջ ձյան ու սառույցի դասճանով սահում, վայր էին ընկնում, վնասվում և դիմում հիվանդանոցներ: Առողջապահության նախարարը իր ֆեյսբուքյան էջում փետրվարի 20-ին շտապեց գրել. «Տեղեկացնում ենք, որ որոշում ենք կայացրել նման դեղերի բուժման հեջ կադված ծախսերը փոխհատուցել դեղատվական դրամայով՝ անկախ սոցիալական կարգավիճակից:

Սակայն ArmLur.am-ը պարզեց, որ 2019 թվականից բազմապրոֆիլ (մեծ) հիվանդանոցներում գործում են ընդունարանի անհետաձգելի բժշկական օգնության բաժիններ՝ «ԷՄԵՐՋԵՆՍԻ», որտեղ անկախ եղանակային այամաններից եւ քաղաքացիների սոցիալական վիճակից վնասվածք ստացած անձինք, մասնավորապես՝ կտրած վերքեր, հոդախախտեր, ոսկրերի կոտրվածքներ, անհետաձգելի արտահիվանդանոցային բժշկական օգնություն եւ սպասարկում են ստանում պետական պատվերով, իսկ հատուկ եւ դժվարամատչելի պատորոշիչ հետազոտությունների եւ նորագույն եւ թանկարժեք տեխնոլոգիաների կիրառմամբ մատուցվող բժշկական ծառայությունները, ըստ ցուցումների, մատուցվում են անվճար սոցիալապետ անապահով եւ հատուկ խմբերում ընդգրկված պացիենտներին՝ համաձայն ՀՀ ԱՆ 2019 թվականի հոկտեմբերի 18-ի թիվ 44-Ն հարման:




Հիվանդանոցային դեպքերը, բացի վերակենդանացման բաժնում բուժօգնություն ունեցողներից, բուժվում են համավճարային սկզբունքով:

ArmLur.am-ը տեղեկացավ, որ միայն փետրվարի 24-ին՝ իր հայտարարությունից 4 օր անց, առողջապահության նախարարը արձակեց լուրջ (ներքին) հրաման, որտեղ արագրված է, որ ձյան առատ տեղումների պատճառով վնասվածք ստացած քաղաքացիների դժվարամատչելի հետազոտությունները կիրականացվեն անվճար, ինչպես նաեւ վերահատուցության ժամանակ կիրառվող մետաղական կոնստրուկցիաները կտեղադրվեն անվճար՝ պետական պատվերով, սակայն այն դեպքում, երբ բժշկական կենտրոնը դիմի առողջապահության նախարարությանը: Հրամանում որել է խոսք չկա վերահատուցությունների ժամանակ քաղաքացիների կողմից վճարվող համավճարի մասին:

Հարկ է նշել, որ հանրությունը այս կարգավորումից անտեղյակ է, եւ ձևառատ օրերին վնասվածք ստացած Հայաստանի քաղաքացիները բժշկական կենտրոններում ԿՏ, ՄՌՏ եւ այլ հետազոտությունների, վերահատակային միջամտությունների համար հիմնականում վճարել են:

Ստացվում է, որ առատ ձյան հետ կապված հանրային ըզգոհությունները պայրավելու համար քաղաքական թիմին աջակցություն ցուցաբերած առողջապահության նախարարի ֆեյսբուքյան գրառումը, մեղմ ասած, իրականությանը չի համապատասխանում: Այն ընդամենը պոպուլիստական հերթական քայլն էր:

ՍՈՍԱ ԳՐԻԳՈՐՅԱՆ



● Անցած 1 օրվա ընթացքում հանրապետությունում արձանագրվել է ճանապարհատրանսպորտային 13 պատահար. 23 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՏԵՂԵԿԱՏՎՈՒԹՅՈՒՆ

ՏՈՒԳԱՆԱՅԻՆ ՄԻԱՎՈՐՆԵՐԸ ԿԲԱՐԶՐԱՅՎԵՆ

Երեկ «Քաղաքացիական պայմանագիր» խմբակցության պատգամավոր Արմեն Խաչատրյանը խոսել է վարորդներին ամեն տարի տրամադրվող բալանին միավորներից: «Ինչպես գիտեք, տրանսպորտային միջոցների վարորդներին յուրաքանչյուր տարի տրամադրվում է 9 տուգանային միավոր ու խախտումների քանակից ելնելով՝ միավորները պակասում են, եւ եթե դրանք գրոյացվում են, ապա կասեցվում է տրանսպորտային միջոցներ վարելու իրավունքը: Նախագծով 9 տուգանային միավորի փոխարեն նախատեսվում է 13 միավոր, ու եթե մենք դարձնում ենք 13 միավոր, ապա որոշակի առումով նվազում է նաեւ խախտումների համար նախատեսված պատժի չափը, հետեւաբար, հավասարեցնելու համար, որոշակի վթարածին խախտումների համար բարձրացնելու ենք տուգանային միավորները», - մանրամասնել է պատգամավորը:

ՄԱՔՍԱՏՈՒՐՔԻՑ ԱԶԱՏՎԵՑ

Կառավարության նիստի ընթացքում որոշում է կայացվել գերակա ոլորտում ներդրումային ծրագրի շրջանակներում մաքսատուրքից ազատել «ՌՈՅԱԼ-ԱՐՄԵՆԻԱ» ՉՁ ընկերությանը: Այս ընկերության կողմից ներմուծվող հումքը նախատեսվում է օգտագործել սուրճի արտադրության համար: Հաշվի առնելով, որ ցանկում ներկայացված ապրանքների զգալի մասի բնութագրերը փոփոխվել են, ինչպես նաեւ փոխվել է ապրանքներից մեկի ծածկագիրը եւ ավելացել են նոր երկրներ՝ հետեւաբար ներկայումս անհրաժեշտություն է առաջացել ցանկը շարադրել նոր խմբագրությամբ: Ապրանքների ընդհանուր արժեքը եւ քանակը մնում են անփոփոխ:

ԿԱՏԵՂԾՎԻ ՊՈԱԿ

Գործիսի պետական քոլեջը եւ Գործիսի պրոֆ. Խ. Երիցյանի անվան պետական գյուղատնտեսական քոլեջը միաձուլման ձեռնարկվելու արդյունքում ստեղծելով «Գործիսի բազմագործառնության պետական քոլեջ» ՊՈԱԿ: Նման նախագիծ է ներկայացրել ԿԳՄՍՆ-ն: Հիմնավորման մեջ նշված է, որ Գործիսի պետական քոլեջի շենքը տնօրինության կողմից հնարավորինս պահպանվել է եւ իրականացվել է մասամբ վերանորոգում, սակայն ունի ամբողջական վերանորոգման կարիք, շենքում առկա չէ ջեռուցման համակարգ, շենքի մի մասում ապրում են բնակիչներ: Գործիսի պրոֆ. Խ. Երիցյանի անվան պետական գյուղատնտեսական քոլեջին ամրացված ուսումնական մասնաշենքում ներկա պահին իրականացվում են վերակառուցման աշխատանքներ, որում նախատեսված է նաեւ Գործիսի պետական քոլեջում ուսուցանվող մասնագիտությունների հետագա ուսուցման կազմակերպման համար անհրաժեշտ պայմանների ապահովումը: Վերանորոգումից հետո Գործիսի բազմագործառնության պետական քոլեջը իր ուսումնական գործընթացը կիրականացնի համաձայն ՀՀ կառավարության 2007 թ. դեկտեմբերի 13-ի N 1490-Ն որոշմամբ պահանջվող նորմատիվներին, պայմաններին համապատասխան:

«ԱՄԵՐԻԿԱՔԱՆԿ»

ԱՄՓՈՓԵՑ ՄՐՑՈՒՅԹԻ ԱՐԴՅՈՒՆՔՆԵՐԸ

Փետրվարի 25-ին «Ամերիաքանկ» ամփոփեց «Իմ Ամերիա, իմ Հայասան» նախագծի արձանագրում իրականացված «Իմ Հայասան, իմ աղազ» ուսանողական մրցույթը՝ հայտարարելով կրթաբուհի սահմանում, Բերլինի համալսարանի մեկնող ու նախագծի ֆինանսավորում ստացող ուսանողների անունները: Հայաստանի դեսպանի եւ մասնավոր բուհերի բոլոր ուսանողների համար «Ամերիաքանկ» եւ VISA-ի կողմից հայտարարված այս մրցույթի նպատակն էր բացահայտել եւ խրախուսել ալիքի, Հայաստանի աղազային հանդեպ արագազույգ, ճկուն եւ դայժառ մտածելակերպ ունեցող ուսանողներին:



Մրցույթին մասնակցել են ուսանողներ Հայաստանի 36 բուհերից: Նրանք պայքարում էին երեք մրցանակի համար՝ 160 կրթաբոջակ՝ ամսական 50,000 դրամի չափով 5 ամիս շարունակ, 2024-2025թ. ուսումնական երկրորդ կիսամյակի ընթացքում: Բերլինի համալսարանում ուսանողական կարճաժամկետ ծրագրի մասնակցության 10 ուղեգիր:

«Իմ Հայաստան, իմ աղազ» խորագրով 3 լավագույն նախագծերի ֆինանսավորում «Ամերիաքանկ» կողմից ընդհանուր միջեւ 10 մլն դրամի չափով: Հիշեցնենք, որ մրցույթին մասնակցելու համար կարող էին դիմել 2024-2025 ուս. տարվա ուսանողները, ովքեր «Ամերիաքանկ» VISA Student քարտապան են, ընդ որում՝ կրթաբոջակին հավակնելու համար անհրաժեշտ էր լինել նվազագույնը 2-րդ կուրսի ուսանող, հավաքել ամենաբարձր միավորները թեստից, եւ ունենալ տվյալ բուհում ՄՈԳ-ի առավելագույն արժեքի առնվազն 65%-ը 2023-2024 ուսումնական տարվա համար նախագծի ֆինանսավորում ստանալու եւ/կամ Բերլինի կարճաժամկետ կրթական ծրագրին մասնակցելու համար անհրաժեշտ էր հավաքել ամենաբարձր միավորները եւ թեստից, եւ նախագծերի գնահատումից /անկախ ՄՈԳ-ից/: Նախագծերի գնահատումն իրականացրել է ժյուրին, որի կազմում էին անկախ մասնագետներ տարբեր ոլորտներից, ինչպես նաեւ VISA-ի ու «Ամերիաքանկ» ներկայացուցիչներ: Մասնավորապես, Ժյուրիի կազմում էին ՀԱՀ դասախոս, գեղագիր Ռուբեն Մալայանը, իրավաբան, նկարիչ Նարեկ Վան Աշուրյանը, «ՄերակիՓալ» ընկերության հիմնադիր, կազմակերպական զարգացման քուլ Վրամիս Մկրտչյանը, ԵՊՀ Սոցիոլոգիայի ֆակուլտետի «Հասարակայնության հետ կապեր» մագիստրոսական ծրագրի ղեկավար, SPRING PR ընկերության համահիմնադիր Նարեկ Նվարդ Մելքոնյանը, VISA-ի Բիզնեսի զարգացման մենեջեր Անի Ալեքյանը, Ամերիաքանկի Տաղանդների եւ ծառայությունների գծով տնօրեն Արմինե Ղազարյանն ու Մարթեթինգի եւ հաղորդակցության գծով տնօրեն Ռեբեկա Հակոբյանը: Մրցույթի ամփոփիչ միջոցառմանը ներկայացվեցին նաեւ այն երեք նախագծեր, որոնց իրականացման համար հեղինակները կստանան ֆինանսավորում «Ամերիաքանկ» կողմից: Մասնավորապես, ֆինանսավորում կստանան Հայաստանի պետական տնտեսագիտական համալսարանի ուսանող Ժաննա

Հարությունյանի նախագիծը, որով նախատեսվում է ասեղնագործական 8 գարդանախշերի ստեղծման տեխնիկաների տեսագրում եւ պահպանում: Հայաստանի ազգային պոլիտեխնիկական համալսարանի ուսանող Վահագն Զաքարյանի նախագիծը, որով նախատեսվում է մշակել բրայլյան ստեղնաշար տեսողության խնդիրներ ունեցող անձանց համար: Հայաստանի ազգային ագրարային համալսարանի ուսանող Վոլոդյա Թորոսյանի նախագիծը, որով նախատեսվում է իրականացնել գյուղատնտեսության արդյունավետության բարձրացմանը միտված ծրագիր: Հիշեցնենք, որ 2024-ին «Ամերիաքանկ» «Իմ Ամերիա, իմ Հայաստան» նախագծի շրջանակում մեկնարկեց երեք արշավ՝ «Իմ Ամերիա, իմ Հայաստան», «Իմ Ամերիա, իմ տուն» եւ «Իմ Հայաստան, իմ աղազ» խորագրերով: Նախագծի նպատակն է միավորել մարդկանց «Ամերիաքանկ» առաքելության շուրջ եւ միասին բարելավել կյանքի որակը:

ԱՌԱՋԱՐԿՆԵՐ

ՄԵՆ

ՄԱՍՆԱԳԻՏՈՒԹՅՈՒՆ

Հայաստանի Հանրապետության կրթության, գիտության, մշակույթի եւ սպորտի նախարարությունը 2025-2026 ուստարվա համար հայտարարում է մրցույթ՝ Բուլղարիայի Հանրապետության բարձրագույն ուսումնական հաստատություններում անվճար բարձրագույն (բակալավր եւ մագիստրատուրա) կրթություն ստանալու նպատակով (4 տեղ): Ուսուցումն իրականացվելու է բուլղարերենով, սակայն լեզվին չտիրապետող ուսանողներն անցնում են լրացուցիչ մեկ տարվա լեզվի դասընթաց (նախապատրաստական): Մրցույթին կարող են մասնակցել հանրակրթական դպրոցների, միջին մասնագիտական ուսումնական հաստատությունների եւ բուհերի շրջանավարտները, ավարտական

դասարանում կամ կուրսում սովորող օտար լեզուների տիրապետող ՀՀ քաղաքացիները: Մրցույթին մասնակցելու ցանկացողները կարող են դիմել միայն մեկ մասնագիտության եւ մեկ կրթական աստիճանի համար:

ՆՈՐ ԱՌԱՋԱՐԿ «ԿՈՆՎԵՐՍ ԲԱՆԿԻՑ»

«Կոնվերս» բանկը ՀՀ ռեզիդենտ իրավաբանական անձանց, անհատ ձեռներեցների համար հանդես է գալիս նոր առաջարկով՝ աննախադեպ 0% միջնորդավճար ԱՄՆ դոլարով, Եվրոյով, Անգլիական ֆունտ ստեռլինգով եւ ԱՄԷ դիրհամով SWIFT փոխանցումների համար: Այս

առաջարկն առանձնապես կիտաբուքի արտասահմանյան ընկերությունների հետ գործարար կապեր ունեցող, այդ թվում՝ ներմուծման, արտադրության, բեռնափոխադրումների կամ տուրիզմի ոլորտի, ծառայություններ մատուցող այն ընկերություններին, որոնց համար միջազգային փոխանցումներն առօրյա թիզնե գործունեության անբաժանելի մասն են: Առաջարկից կարող են օգտվել ինչպես «Կոնվերս» բանկի հաշվետեր, այնպես էլ բանկի հաճախորդ չհանդիսացող տնտեսավարողները՝ այցելելով բանկի ցանկացած մասնաճյուղ: «Կոնվերս» բանկի հաշվետեր իրավաբանական անձինք եւ անհատ ձեռնարկատերերը կարող են SWIFT փոխանցումներ կատարել նաեւ առցանց՝ Converse Business հավելվածով: Բանկը վերահսկվում է Հայաստանի Հանրապետության Կենտրոնական բանկի կողմից:

«Շողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ԺԱՌԱՆԳՈՒԹՅԱՆ ՎԵՐԱԻՄԱՍՏԱՎՈՐՈՒՄ

ՄԱՐՏԻՆ «ՄԱՆՈՒՇՅԱՆԱԿԱՆ ԸՆԲԱԹ» ԿԼԻՆԻ

2025 թվականի մարտի 14-18-ը Հայաստանում կանցկացվի «Մանուշյանական Երբայ»...



Որոշումների շարքը, որն ընդգրկում է թատերական ներկայացումներ, գիտաժողովներ, ցուցահանդեսներ...

Միջոցառումների շարքը, որն ընդգրկում է թատերական ներկայացումներ, գիտաժողովներ, ցուցահանդեսներ...

ՄԱՐԶԱԿԱՆ

ՄԵՍՄԻՆ ԼԱՎԱԳՈՒՅՆՆ Է

Անգլիայի հավաքականի, «Մանչեսթեր Յունայթեդի» ու Մադրիդի «Ռեալի»...

ՎԵՆԱՍՎԱԾԲ

Իսպանիայի գավաթի խաղարկության կիսաեզրափակիչի՝ «Ռեալ Սոսիեդադի»...

ՈՒՇԱԳՐՈՒԹՅԱՆ ԿԵՆՏՐՈՆՈՒՄ Է

«Միլանի» հարձակվող Ռաֆայել Լեանին շարունակում է մնալ «Բարսելոնայի»...

ՆՈՐՈՒԹՅՈՒՆՆԵՐ

ԵՐԲ ԿԹՈՂԱՐԿՎԻ

Հայտնի է, որ վերջին տարիներին Apple ընկերությունն ակտիվ աշխատանք է տանում...



անում, իսկ խոսքերի հեղինակը Գրիգոր Կյոկչյանն է:

ԽԱՉԱՆՈՎԸ՝ ՄՐՑԱՇԱՐԻՑ ԳՈՒՐՄ

Հայկական արմատներով ռուսաստանցի թենիսիստ Կարեն Խաչատրյանը դուրս մնաց...

ՀԱՂՈՐԳՈՒՄԻՑ ՀԵՌԱՑՎԵԼ Է

Երգիչ Էրիկ Կարապետյանն օրերս ինստագրամյան իր միկրոբլոգի էջում հրապարակում էր...

● Սու Սարգսյանի անվան Համազգային թատրոնում փետրվարի 28-ին, մարտի 1, 7, 29-ին տեղի կունենա «Սարդը ափի մեջ» ներկայացումը: Տոմսերի արժեքը՝ 3000 դրամ:



ՀՈԳԵՎՈՐ

ՀԱՐՑ. Ի՞նչ և Հայ Առաքելական եկեղեցին կին հոգևորական չունի: Ամենուրեք հայտարարվում է, թե Աստուծո առաջ բոլորը հավասար են: Բայց հենց հերքը հասնում է եկեղեցուն, աղա հենց այստեղից էլ սկսվում է զրամարդկանց եւ կանանց անհավասարությունը:

Իրինա Հայրապետյան (43 տարեկան, երգահան)



ՊԱՏԱՍԽԱՆ. Հայտնում ենք, որ աշխատանքի ու պարտականությունների բաժանումը բնավ չի նշանակում անհավասարություն: Եթե տանը ճաշը կինն է պատրաստում, իսկ տղամարդը հոգում ընտանիքի հիմնական ֆինանսական հարցերը, դա չի նշանակում, թե տղամարդիկ ավելի կարելի են: Եթե կանայք զավակ են ծնում, իսկ տղամարդիկ՝ ոչ, դա չի նշանակում, թե որեւէ մեկն ավելի կամ պակաս կարելի է: Նախ՝ ընթերցե՛ք Աստվածաշունչը. «Ինչպես որ է Աստուծո բոլոր եկեղեցիներում, կանայք թող լուռ մնան եկեղեցու մեջ, որովհետեւ թույլատրված չէ նրան խոսել, այլ՝ հնազանդ լինել, ինչպես օրենքն էլ ասում է»:

Կնոջը տրված է ավելի ծանր, սակայն երջանկարար առաքելություն՝ որդեծնությունը: Որդեծնության հզոր կարողության շնորհիվ կինը ավելի երկար է ապրում, քան տղամարդը: Նաեւ այս առաքելությունը կատարելու ընթացքում կինը երբեմն կարիք ունի առանձնանալու տեական ժամանակ՝ հղության ընթացքում, ծննդաբերության համար, հետծննդյան քառասուրյա մաքրության համար, երեխային կերակրելու եւ խնամելու համար: Իսկ այդ ընթացքում, մի՞թե եկեղեցում պատարագ չպետք է մատուցվի: Բացի դրանից, քահանա լինել չի նշանակում վայելել պատիվ, այլ՝ պատասխանատվություն: Ս. Բարսեղ Կեսարացին ասում է. «Եզեկիել մարգարեն Աստուծո խոսքով զարհուրեցնում է ինձ՝ քահանաների վերաբերյալ այսպես ասելով. «Մարդու որդի, քեզ այդ ժողովրդի վրա տեսու՛ք եմ նշանակել. եթե տեսնես, որ սուրը գալիս է ու վրա է հասնում եւ շեփոքով չզգո՞ւարարես, եւ նրանք չզգուշանան, եւ սուրը գալով՝ որեւէ մեկին անպատրաստ գտնի, եւ նա մահանա իր անօրենության մեջ, նրա արյունը քո ձեռքից կպահանջեմ»:

Օրինությունը՝ Տ. Սմբատ քահանա Սարգսյան

«ԺՈՂՎՈՒՐԳ». Տ. Սմբատ քահանա Սարգսյանը խորապես մեկնաբանել է հարցի պատասխանը, եւ հասկանալի է, որ այս ամենը պարզապես դերերի բաժանում է:

ԿՎՐԳ

ՀԱՐՑ. Ի՞նչ կարգով է իրականացվում անվան փոխան րդեսական գրանցումը, ի՞նչ փաստաթղթեր են անհրաժեշտ անվան փոխան րդեսական գրանցման համար, ի՞նչ ժամկետում է կատարվում անվանափոխան րդեսական գրանցումը, որքա՞ն է կազմում րդեսական տուրքի դրույքաչափը:

Լիա Սանուկյան (42 տարեկան)



ՊԱՏԱՍԽԱՆ. Հայտնում ենք, որ տասնվեց տարին լրացած անձ իրավունք ունի սահմանված կարգով փոխելու իր անունը, որը ներառում է անունը, հայրանունը եւ ազգանունը: Մինչեւ 16 տարեկան երեխաների անվան փոխման մասին դիմումը տրվում է նրա ծնողի /ծնողների/ կամ օրինական ներկայացուցիչների կողմից: 10 տարին լրացած երեխայի անվան փոխման դեպքում անհրաժեշտ է նրա համաձայնությունը: Անվան փոխման գրանցման համար պետք է ներկայացվեն՝

Դիմում, դիմողի անձը հաստատող փաստաթուղթը, տեղեկանք բնակության մասին, եթե անձնագրում բացակայում է հաշվառման մասին նշումը, ինչպես նաեւ օրենքով սահմանված կարգով այլ փաստաթղթեր: Անվան փոխման մասին դիմումը ԶԿԱԳ-ի տարածքային մարմնի կողմից քննության է առնվում դիմումը տալու օրվանից երկամսյա ժամկետում: Հարգելի պատճառների առկայության դեպքում այդ ժամկետը ԶԿԱԳ-ի տարածքային մարմնի ղեկավարը կարող է երկարաձգել առավելագույնը՝ մեկ ամսով, իսկ ՀՀ արդարադատության նախարարության ԶԿԱԳ-ի գործակալության պետը՝ առավելագույնը՝ 2 ամսով՝ ԶԿԱԳ-ի տարածքային մարմնի ղեկավարի միջնորդագրի հիման վրա:

ՀՀ արդարադատության նախարարություն

«ԺՈՂՎՈՒՐԳ». Անվան, հայրանվան, ազգանվան փոխման համար գանձվում է պետական տուրք՝ 5000 դրամ:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարը՝ համացանցից



Միջազգային զարգացման գործակալության (USAID) աշխատանքից ազատված աշխատակիցներն ու ակտիվիստները «պառկած ակցիա» են իրականացրել՝ ի նշան բողոքի: Նրանք, դեմ լինելով USAID-ի գործունեության սահմանափակմանը, պառկել են գետնին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 15 - 20 - 4 - 7	Արարատ	- 4 - 7 0 + 2
Կոտայքի լեռներ	- 15 - 19 - 5 - 7	Արմավիր	- 6 - 9 0 + 3
Կոտայքի նախալեռներ	- 6 - 10 - 1 - 3	Վայոց ձորի լեռներ	- 15 - 20 - 6 - 9
Գեղարքունիք	- 16 - 20 - 6 - 8	Վայոց ձորի նախալեռներ	- 6 - 11 0 - 3
Լոռի	- 10 - 15 - 3 + 1	Սյունիքի հովիտներ	- 5 - 9 0 - 4
Տավուշ	- 5 - 8 - 2 + 2	Սյունիքի նախալեռներ	- 12 - 17 - 2 - 5
Արագածոտնի լեռներ	- 16 - 20 - 6 - 10	ԼՂՀ	- 11 - 15 - 2 - 4
Արագածոտնի նախալեռներ	- 6 - 9 0 - 3	Երեւան	- 5 - 9 - 4 - 4

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 27.2.2025
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադատությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: